



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二一九

居業堂詩稿三十卷 李馥撰

一

居業堂詩稿續三卷 李馥撰

二三五

研堂詩稟十五卷（詩稟十卷續稟二卷晚稟二卷拾遺一卷）

附花外散吟一卷 楊維坤撰

二四三

覆甕集十二卷（錢穀二卷刑名十卷）覆甕餘集一卷 張我觀撰

四〇三

馬悔齋先生遺集四卷 馬汝為撰

五九七

居業堂詩稿六冊清多韻著錄于江嘉德廣山福清人康熙二十三年
人旋登進士官工部員外郎轉刑部郎中以治九門提督陶和器獄有
聲於時出知重慶府三年有政聲遷河東運使調蘇松常鎮道昇
江寧按察使時制府擒治所謂奸民者謀連至百餘人獲為寢其寃
溫北白釋之轉在徽布政使地按浙江適值年旱民食請散濟糧
二十萬以濟民艱以治年二年以史糾屬員去任家居以廉慎為著
稱家小中存歸四十年後居以居興福州知府候補平遠詩社文
酒往還始自宋好藏書少著本乾隆九年重宴鹿鳴也二十三年
十四年蘇蘇集年體計在康熙甲申(三)年至乾隆乙卯(三)年心
計三十二年惟其中尚缺雍正七年八年一冊全書首尾起迄入何本其
詳卷端亦不若名其集久則郵柏蒼為石山誌卷三翠岩廬手記
有「孝廉山莊不可得」之言蓋集中有翠岩手記恨其未見竹間山
亦城及之道夫福建通志作鹿山集但未著卷數沈德潛國朝詩別
裁卷二十四補遺總有鹿山「過司空表昭墓」一首云云若有鹿山詩鈔
因未實錄本祇錄其最時記詞一章云云不知其時所著詩集否未刊
行此書前曾由石岡古信傳抄二冊存詩祇有八年而卷端則為徐父誤

填作高北著兆之一生用前清詞典與共趣典集中所吟亮其相合
之云蓋其集中有共四指蒼唱和之詩而四氏之有懷堂集有「送李
鹿山出守重慶」一首而此集庚寅年卷亦有「次四指蒼送別」一首
共之必合又四集「送像來步鹿山」有「聞池有孝子同爭探快友」句此稿
本和「四指蒼送像來」亦有「四子孫又真結契忘形友之句又四卷
第四首起句「懷也性嫌拙」已得作者之名點出則此集為李讓所著
也無疑義

此抄本字精所取銀鈎刻刻向中又轉乾隆弘曆之譜如戊申除
夕詩「芳翻曆日多慍感」句曆未改歷亦未缺字迥是雅正間抄
本與跋甲中卷詩有「信天居士」李讓鹿山二印蓋其自存之印
未定本其字本何名諸家均未著錄陳衍福建通志有存目「鹿山詩
集」未明卷數或乃刊行本此本四存李作梅處有其存印解後
始流出一部付入鄭鹿山手其部別在桂林治始至今幸印收歸吾信
其中心所缺之卷當續訪得之庶幾完璧耳

金堂銘記

五三



居業堂詩稿

居業堂詩稿

鐵蘭品茶

好事憐僧侶



甲申

招邀過錢蘭風爐鳴蚓竅活
火煮龍團味逐峰巒別山深烟雨寒清風
生兩腋暮色倚樓看

一覽臺

扶節直上此孤臺到眼睛嵐面面開洞壑
靈竒當檻列溪流澄澈遠亭洞靈芽穀雨
封青著石磴春風染綠苔隙地留將娛

老他年窠室倚山隈

仙掌巖

何年留巨跡片石鬱崔嵬卓地掌全現
天指半開溪雲籠翠嶽野日淡蒼苔興悵
不知返前峰暮色催

金井坑

老去登臨興不禁緣岡度嶺極幽尋巖張
錦繡花舒艷歌奏笙簧鳥送音風靜茶香
飄一室雲生石路失千岑徘徊直恐紅輪

墜暈徑迴看黛凝深

憶汝迪三弟兼遠之吳

金井予遊久吳門汝去初風塵知未慣身
世好留餘烟水千帆渡平安一紙書秋深
遲返棹白露濕衣裾

謁朱文公祠

青山疊疊水濺濺水色山光絕可憐宋代
閩河遺址盡平林廟貌一燈懸平林祠地珠垂
日散松間露谷暗雲凝竹外煙瞻拜堂

深仰止發蒙志自媿新傳

東坑

杖策東坑寺叢篁繞徑深涼風生野樹初
地入茶林穴蟻緣階思園蜂冒蕊心歸途
聽萬籟皎月暎邊岑

懷郭四藥村

苦憶藥村子西園獨下帷心虛潛味道興
發動吟詩架屋圖書富乘春花鳥私雲山
千里隔方寸兩情知

同諸友遊水簾洞冒雨歸金井

共訪水簾去潺潺響不休兩行飛練遠萬
顆散珠流野草露滋溼巖花香暗浮衝泥
歸路滑雲氣滿峰頭

夏夜聞蟬

炎夜不能寐新蟬斷續吟聲回疎雨後響
度暮雲涼飲露憐清節隨風曳遠林中宵
遙對汝淒切引歸心

夜宿僧房

草纖蟲咽露珠圓榻淨塵空野寺寬澗蹠
雙橋流水急山深五月小樓寒笙簧遠播
松風沸院宇初昏夜月殘歌枕夷然真自
得翻嫌白日動艱難

別續宗禪師

山中六月似涼秋金井峰前過夏遊習氣
未除空說古微軀多病更緘愁拂簷樹色
搖風亂入檻泉聲帶月流別後勞勞無定
處滿身塵土為君羞

喜雨

谷暗炎蒸失空堦疎雨過涼生曲澗竹香
動小池荷夾徑溪流沸千山雲氣多晚來
風更急且得慰微疴

夜聽子規

山中歸未得忽爾聽啼鵲幽怨傳前代悲
聲到曉天漏當淋雨夜更觸旅人眠淒切
春風裏哀鳴入翠煙

送軍行

男兒墮地時未甘久貧賤人生貴自豪羞
緣狗監見壯歲膽氣粗叱詫風雲變傳令
出脩遼賈勇時屢銜黃金飾刀頭寶弓白
羽箭鎧甲耀日明駭馬疾于電妻帑送我
行飲泣淚俱咽里中諸少年含笑紛進膳
父老噴煩言豪傑莫或先風塵直干霄旌
旗生目眩飛鳥避轅門刁斗夜不倦塞外
久苦寒雨雪先集霰一麾奪矛登三軍爭
死戰天地慘不和原野血欲濺手自擒名

大雨

主茹鼓鼙凱旋子安與王帛絡繹紛郵傳
入門仰天笑負弩藪郡縣天子親策勛承
恩蒙深眷溫語竟前席金盤行玉饌歸家
席未暖張燈促高宴咸里咸屏息吏人恚
股弁能酬一飯恩恣睢威福擅功名上凌
煙然奕衆所羨丈夫事戎行安能老筆硯

會羣流連堦條忽成豁谷螺蚌近郭虎豹
藏樵蕪斂跡山精伏崩奔疑是銀河翻洶
湧直憂巨浸覆午餘浙瀝勢欲停入夜淋
漓更相續昏時倚枕聲呀然老樹根浮塌
墻屋擁衾獨坐到天明四野濃陰氣慘黯
泥塗活活地茫茫南望邱園亂心曲禾頭
生耳犁生衣三徑傾頽荒松菊去歲朱夏
苦炎蒸田禾枯槁萬家笑郡邑嗷嗷皆待
哺委巷填溝食無肉雨手雨手任尔滂沱

奔放迷川陸慎勿及時害百穀

偶讀朱文公九曲詩因次其韻

碧嶂丹崖擅地靈鶯花風月廓虛清神僊
有路無人到山徑長聞猿鶴聲

一曲尋幽喚渡船綠波蕩漾滿前川奇區

奧蹟纔供眼前望雲林鎖翠煙

二曲娉婷玉女峰雲鬟霧鬢若為容蒼苔

絡石波紋縵回望幔亭翠靄重

三曲遙看架壑船千尋雙掛自何年溪流

滾滾篙師去漂溺隨波忍不憐

四曲凌空峙兩巖蕘花泥露柳縈珠金雞

飛去龍長卧夜月瑩然照碧潭

五曲溪山窅且深先生廟貌壯平林川流

不息渾如許日月雙懸體道心

六曲停舟綠水灣芒鞋竹杖踵重闕天遊

卓立塵埃表縹緲羣峰入座間

七曲灣環向水灘神泉仙掌望中看山深

樹密渾無暑六月遊人尚怯寒

八曲巍然片石開雙峰聳秀呈徘徊羣傳
鼓子鳴天際愛聽澗澗特地來

九曲風光倍爽然白雲天半俯晴川峰回
水轉疑無地雨露農桑又一天

欲別

欲別愁何限相看轉默然翻嫌多此會嬾
復討他年掩淚人將去無情月更圓片時
還握手離緒兩長牽

思親

玲琿顧影暗悲辛遊子天涯白髮新歲月
暗移長路客晨昏遠負倚門親聞歌潛制
當筵淚對月難禁終夜顰惆悵連聞虛色
養飄零深愧半生身

仲夏雜興

窈窕高樓客飛飛曲徑花人浮舊臘酒僧
焙過春茶水漲溪春急山陰日影斜前窓
鄰野樹一望翠交加

洗硯

一片端溪石臨池拂拭頻虛中惟守墨通
用不沾塵滌濯原無垢堅瑩自有真洗心
還視此豈藉水瓢瓢

夏日書懷

避迹寄僧寮空山倍寂寥花殘蝶影靜雨
潤麥芒搖異地風光好良辰骨肉遙客愁
偕日永排悶理詩瓢

即事

小樓高聳欲排空艸色嵐光遠近通入眼

青山爭送翠當牕綠樹各舒紅猿啼絕壁
懸崖際人在濃雲宿霧中一盞醺然聊引
領冥冥天外過飛鴻

烹茶

何計驅炎暑泉清味更絕莫漫倚清涼肝
腸原是雪

讀史

拔幟功高楚還傷走狗烹至今淮上水猶
作不平聲

居業堂詩稿 北遊草

別親

子職晨昏侍慈顏敢遠違思將和氏璧
聊慰老萊衣塵世更艱險功名有是非故
鄉前路遠魂夢遠連闌

別家

掩淚拜慈母含悲別弟昆行行音語異
去去雪霜繁清切從明月淒涼有斷猿秋
風正蕭颯何以慰離魂

溪行

汨汨東流意行行北望心波光明遠岸葉
落冷疎林歲月應將老風塵猶至今扁舟
溪上穩臨水聽蟬吟

秋日江上書懷

天高木落露珠微三十年来事事非歲月
憎看時易邁文章巧與命相違江魚濡沫
依浮藻水蓼舒英暎落暉回首雲山親舍
遠涼颼猶自著絺衣

遠遊

灘險奔流急，溪行攬客心。
天下木葉秋，日靜山林雁。
已南來，切人猶北望。
深鏡中，聊一照愁絕。
二毛侵。

溪中憶平遠諸同社

淒涼溪上棹，秋日倍思君。
風靜寒流細，天清木葉聞。
老來憎攬鏡，愁極數看雲。
把臂他年事，停杯細論文。

山行

疊嶺重山送客行，嵐光欲滴愜幽尋。
人從曲徑盤旋轉，蟬向疎林斷續鳴。
病葉吟風飛片片，寒花浥露自盈盈。
日斜關塞歸棲空，獨對中庭夜月明。

舟夜過錢唐

水濶江遠岸日斜，客轉悲杵鳴秋月。
夜風送暮朝時客，久心如縷愁多鬢已絲。
潺湲喧入耳，欹枕獨含思。

杭州溪上

野沃無閒土，江平有夜船。
沿隄桑樹滿，近水網魚鮮。
風急催寒鴈，林疎噪暮蟬。
娟娟月色好，悄悄客心懸。

野望

霜烟日出林巒靜，沙岸江澄眺望賒。
舟子乘流無晝夜，老農隨處說桑麻。
搏風勁翮寒鵬急，應候疎籬野菊斜。
一棹夷猶秋水長，空薄暮噪棲鴉。

別車壽卿

迹暫寄蘓州，為歡十日留。
今朝催解纜，離恨滿行舟。
帶月雁飛夜，經霜菊放秋。
無情江上水，不肯向南流。

日暮

暹翼投林切，征帆落日懸。
霜風鳴浙浙江，月白紛紛衣杵更深夜。
漁歌醉後聞推窗，一眺覽萬壑擁歸雲。

登報恩寺塔

寶塔凌空迴雲梯，峻不難一身霄漢上。
四

望海天寬烟火鄉村密秋風木葉殘丘園
何處是極目倚層欄

書事

搖落羣山曠淒涼野日荒寒蟬鳴樹急旅
鴈入雲長宵放尊前酒從教鏡裏霜胸中
元浩浩爛醉即為鄉

九月初十日宿朱龍橋次壁間胡太

史韻

雞啼月落僕夫催喚醒離人夢乍回一枕

正同兄弟說昨朝深負菊花杯

秋雨夜憶家

旅館獨眠客燈殘夢不成秋聲雜暮雨慙
是故園情

雨後口號

乍晴朝旭射林塘班馬蕭蕭去路長過雨
寒蟬棲樹咽經霜野菊吐秋香層巒烟破
猶含濕旅館衣單每怯涼京國更隨蓬轉
在雲山頽淡水相望

秋霖

秋霖合沓到天明颯颯狂飈樹不平遙憶
故園風景好寒花時伴讀書聲

泛江

疊嶂千章合空江一葉浮山川明遠岸風
雨掃殘秋野鳥隨羣浴殘霞逐浪流萍飄
任轉徙去住不須愁

晴

已苦陰雲暗欣看朝旭明煙空山色現雨

霽馬蹄輕未落知秋老天清聽鳥鳴離離
黃菊艷頓起故鄉情

紀夢

少小遙憐汝愁吟對短檠無情江上雨浙
瀝到天明

江上聞蟬

何處寒蟬響長吟揔不停已催秋色老更
惱客愁聽小艇那堪宿村醪最易醒分明
鄉國意騷屑近沙汀

夢 先君子

已抱終天恨相逢夢上悲夜猿啼不住涼
月入窻時

寄家人

楊柳經霜已半殘西風吹客客衣單
題詩欲向閨中語又恐淒涼不忍看

舟回壽州

揚帆趨蓼國霜露飽秋花返照銜山石疎
林燦樹霞龜鼉吹浪湧舟楫趁風斜翹首

長空外夕陽噪暮鴉

過鳳陽

紫禁丹墀地龍蟠帝謁年故宮禾黍外遺
殿野田邊雪積山堆玉風嚴袖裏鞭鄉關
雲樹遠馬首客心懸

過九里山次辟間韻

款段閒從九里過秋風禾黍夕陽多重瞳
隆準俱黃土贏得山前牧豎歌

柳泉旅店見吳門女史所題率爾次

韻

朝來穉罷亭中立語燕啼鶯各自雙欲鼓
素琴絃又斷不堪凝望倚紗窻
夜靜香銷蠟又灰憑欄無語獨徘徊故園
風景分明在磬口梅花手自栽
果然薄命是紅顏到處神傷涕淚潛漸近
京華人輻輳時聞鄉語憶鄉關
荆釵布素倚斜暉忍淚吞聲萬事非隔院
寒簾誰氏女輕羅疊雪翠珠圓

登二疏墓

二疏傳漢世攜手出皇都掛冠矢偕隱沒
世不少渝觀者咸嘆息奕漢留畫圖天子
賜帑金縱飲相歡娛父老四五人扶杖摩
追趨動為子孫計不如酒一壺損智且益
過多財偕之愚束髮佩斯語三漫寧予誣
今朝泣東魯驅車未高吳名地累累彼廢塚
日暮鳴鼃聽二墳何突兀蔓草殘碑孤婆
娑別蒼蘚始識賢大夫道侑寒流咽邱墟

歸昏鳥拜手薦蘋藻佇立獨踟躕人生良
有盡習泡真斯須盡言林下好廣受今有
無

三歸臺

管子天下才悲風滿草萊行人秋色裏立
馬看荒臺

投宿

投宿向荒村寒天早閉門窗虛延月入衾
冷識霜繁擊柝誰家子殘燈獨夜魂含淒

已欲絕不待聽啼猿

聞吳惺菴解任

擬向內邱去驚聞汝罷官功名知有定去
住太無端肝膽慵披瀝襟懷強笑歡臨風
長太息直道信行難

趙北口

一片蒼茫水黃茅舊草廬居人爭刺艇過
客飽餐魚葦亂禽聲雜雲歸日照餘白溝
投宿處明月滿前除

過德平訪朱弘道

為訪故人治迂回曲徑燕麥苗新刺土茅
舍強枝梧爭樹羣雞亂窺檐獨鳥呼德平
何處是原上問農夫

過德平不至因憶新安鎮

歌馬新安鎮蕭蕭日暮時鄰人爭看客穉
子笑吟詩老轉交情密寒先病骨知淒涼
今夜月咫尺更相思

白溝河次壁間韻

暮鴉催宿白溝河風感魚鱗剪碧波澤畔
蓼花隄畔柳分將煙景入秋多

長新店

故園雲樹渺新店幾回經離別餘三月淒
涼有四星宵寒酒易薄愁劇睡長醒晨發
蘆溝北西山一望青

曉行憶內

逐客晨興惱曉曉難依稀遠樹野風淒消魂
空入羅幃夢明月半輪霜滿隄

甲申除夕

旅食長安裏招提寄此身
那堪歲除夜還作異鄉人
寒散金尊滿燈明白髮新
五更車馬沸知是賀王春



居業堂詩稿

和吳惺菴抵都見訪次韻



乙酉

故人頻入夢忽報犯寒來
雪壓枯枝重風吹破牖
開政仁孚衆望道直賈讒媒達識知無悶
名心付酒杯

晚起

無營常晚起安穩卧
春天地僻稀過客心閒結淨緣
禽聲來枕上花片落床前任笑吾生拙
勞勞正枉然

歇枕

涼夜獨歇枕秋庭
木葉飛窓虛憐月皎香駐識風微
事嬾原緣拙家貧不易歸桐聲來耳畔
入夢故應稀

雨霽

雨霽山凝碧雲開日漏紅
平林歸倦鳥小院恣遊蟲
石咽溪流急烟消野色通捲簾聊倚檻
微月上梧桐

閉戶

蕭然殘髮不勝簪
閉戶焚香清道心
每苦用未妨短睡
却緣事少得高吟
客中光景隨緣度
秋到庭除落葉深
薄暮羈愁腸欲斷
數般風送擣衣砧

新秋

涼飈拂樹桐先落
淡月籠煙暑已殘
秋氣漸侵書幌冷
蟲聲似喚客衣單
竄交始悔輕交誤
更事方知處事難
莫怪踈慵終不改
腐儒心性在偷安

小睡

我愛清秋爽風生
薤簾涼拋書聊假寐
入夢即歸鄉雲破天
全碧蟲雕葉半黃
晚來小睡足
籬畔灌寒芳

七夕小雨

小雨不成泥涼風
墜樹低女牛宵欲渡
微照落前溪

購藥

消瘦俄驚革帶寬
衰顏擬欲駐金丹
死生

事大閒方覺髻髮梳
稀病欲殘池畔網
疎魚戲水廚中米
少鶴分餐形容自笑
支離甚身外無營魂
夢安

七夕

雲端已駕七香車
好會今宵願不賒
那得鵲橋人競渡
送將久客盡還家

過故相宅

甲第依然聳碧霄
笙歌聲已罷昏朝
落花滿徑園丁散
曲水平隄野鳥驕
畫錦堂虛

人不到午橋莊
廢客誰招羸驂也
解傷岑寂來往悲
嘶不自聊

月下

皎皎憐明月淒淒
憶故鄉中宵還獨
立永夜不支床
脩竹露滋潤殘荷
風送香含情無限
恨淒切對清光

落葉

秋氣日蕭瑟空階
落葉聲紛紛辭樹
去撼撼度櫺輊
輕拾得全無字飄
來似有情不須

悲墮捧天道有虧盈

聞砧


燕臺秋夜靜入耳擣衣聲不盡閨中意徒
深塞外情清風傳恨遠孤月帶愁明予亦
羈栖者遙聽別思生

對瓶花

一枝移向膽瓶中色豔香清認化工勺水
含滋呈活態免教樹上雨兼風

中秋無月

共約良宵結伴遊絮雲忽漫掩中秋嫦娥
翻似憐羈旅不放清光惹客愁



居業堂詩稿

榜發後口占

帝里春光惣不知空聞花滿上林枝可憐
盼斷閨中眼正是長安落第時

失意後送文中姪回閨

亦知無可恨奈此片時何對酒含淒久看
花濺淚多文章有光價歲月漫蹉跎得失
尋常事何勞叩角歌

又

汝到春方到今歸春亦歸似憐行客倦故
遣好花飛但使驅塵慮何妨著布衣還家
勤五夜任笑讀書非

好女吟

好花不留樹好女恒見妬早知守空床翻
恨承恩遇妾家年少時歡愛忘旦暮良人
珍若珠孀癡春逾固不謂二十載貌若花
蒙霧春風搖空枝零落不一顧棄置敢邀
憐釵荆與裙布長願奉金仙聊以安吾素



丙戌

良鄉道中遇雨憩弘恩寺

羸軀愁遠道况復冒炎天驟雨奔如此涼
風暫爽然停車依古寺憩澗濯清泉多少
閑中趣餘生願學禪

過張銓部故寓

之子歸何處淒涼過故居往來潛制淚生
死永分裾地下棋枰冷天涯樽酒虛一從
丹旄引不復到堦除

新竹

迸破蒼苔徑莖莖拂檻前錦綉纔半脫粉
節已生妍風過香知細月明影可憐婆娑
供老眼看爾化龍年

蘭

花開九畹露浮光空谷無人也幽芳護得
幽香紉楚佩此中臭味久相忘

杜鵑

杜宇啼時次第開千房紅纈葉相偎臘脂
剪碎風翻火曾自分根間苑來

柳

擾亂春風舞不休飄零偏易嘆先秋垂條
折贈行人去莫惹當春少婦愁

辛夷

一枝風際欲書空疑吐春霞綵筆中若是
有情堪寄夢祇今誰復數文通

棟花

次第東風紫雪催谿頭又見棟花開故園
桃李春應盡日盼天南書不來

棠梨

風煙郭外幾人家綠水朱欄暎白沙物色
江天人不管春風吹落野棠花

玉簪

含情欲結韻清幽雪魄冰肌耐九秋應是
仙娥酣宴罷隨風吹下玉搔頭

荼蘼

玉面檀心暎日開翩翩蝶戲過牆來風流
只恐春歸去尚有清芬到酒杯

桃

聯煙引霧錦重重
觸暝衣襟花氣濃
欲訪武陵谿上樹
年來一片白雲封

李

瑩骨清寒雪不消
濃芳一徑向風飄
寂憐無月明如畫
萬朶晴光開葦綃

竹

貞心高節碧琅玕
破却青苔長幾竿
節月吟風香細細
細秋聲滿耳不知寒

荻

夾岸花飛翠莢幽
西風折筴已驚秋
月明夜靜維舟處
誤認洪塘甘蔗洲

橄欖

珍果羣情嗜軟甜
森森青子十分嚴
餘甘風味回牙後
苦口從前久被嫌

松

鱗皴千尺聳蒼龍
勁質何妨霜雪重
月下風來吟細韻
貞心不肖受秦封

槐

氍毹金蕊向秋開
秀色濃陰不染埃
弱冠思曾隨計吏
蟬聲伴送馬蹄來

蘆

惹煙含露拂層波
雪色風聲秋氣多
買得小舟明月夜
一叢花裏聽漁歌

菱

湖平風息淨無波
烟散月明香氣過
涼夜微吟浮小艇
鄉人錯認采菱歌

蓴

乍見蓴絲柔繞指
驚心魚笋故鄉肥
季鷹當日緣何事
直待秋風始憶歸

客中感懷

耿耿宵中攢百憂
廿年虛却曲江遊
傷心風月同誰賞
到眼鶯花惹客愁
休織迴文頻寄錦
嬾于作賦怯登樓
閒思分手畫眉日
三度西風大火流
棲棲欲覓一枝安
風雨飄搖羽尾殘
共嘆